



Isalathiso: 20170524-1244  
12/2/2/3/38  
Imibuzo: G van Wyk

INGcaciso eMfutshane yeCandelo leKharityhulam yeGET: DCG 0012/2017

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zoQuquzelelo neNgcebiso ngezeKharityhulam, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo zeSigaba seSiseko, kwiiNqununu zezikolo zikarhulumente, kwiiNtloko zeZifundo zeSigaba seSiseko kwizikolo zikarhulumente

**Isihloko: Ukuqaliswa ngeZigaba kweLwimi zesiNtu (*Incremental Introduction of African Languages*) (IIAL) ngo-2018**

1. Ngo-2013 iSebe leMfundo esiSiseko lapapasha izicwangciso zokuqalisa inkqubo yokuqaliswa ngeZigaba kweLwimi zesiNtu (IIAL).
2. I-IIAL yinkqubo eyiprayorithi enenjongo yokukhuthaza ubumbano nentsebenziswano kwezentlalo (*social cohesion*) kuluntu lwethu. Ikwanenjongo yokuphucula nokuphuhlisa iilwimi zesiNtu zaseburhulumenteni ebezikade zisingelwa phantsi kwixa elingaphambili njengoko oku kwamkelekileyo kwimigaqo yoMgaqo-siseko weRiphabliki yaseMzantsi Afrika, ka-1996 nakwisiCwangciso soPhuhliso seSizwe (*National Development Plan*).
3. Iprogram ye-IIAL ifundiswa kwinqanaba loLwimi lweSibini oloNgezeleweyo (*Second Additional Language (SAL)*) ukususela kwiBakala 1 ukubheka phambili njengoko kucacisiwe apha:

*“Ugxininiso kutyhilelo kuLwimi lwesiBini oloNgezelelweyo lusekuphuhliseni ukukwazi kwabafundi ukuqonda nokuthetha ulwimi – izakhono ezisisiseko zokunxibelelana nabanye abantu.”* (Inkcazo yoMgaqo-nkqubo weKharityhulam kwi-Nkcazo yoMgaqo-nkqubo weKharityhulam noVavanyo (*National Curriculum Statement: Curriculum and Assessment Policy Statement (CAPS) 2016*).

linkqubo zovavanyo kuLwimi lweSibini oloNgezelelweyo (SAL) zimele ukuba zezingamiselwanga neziqhubeka okoko yaye aziyi kuthathelwa ingqalelo ukulungiselela ukupasa nokudlulela kwesinye isigaba.

4. Ngo-2014 ukuya ku-2016 iSebe leMfundo leNtshona Koloni (iWCED) lilinge (*piloted*) laze laqalisa inkqubo ye-IIAL (isiXhosa njengolwimi lwesiBini oloNgezelelweyo) kwizikolo eziyi-10, nakuba kunjalo, iSebe iWCED kusafuneka liqalise le nkqubo ye-IIAL kwizikolo ezimalunga ne-900 engadlulanga u-2018.
5. Zonke izikolo ezingazifundisiyo iilwimi zesiNtu zazeburhulumenteni ebezikade zisingelwe phantsi kulindeleke ukuba ziyiqalise inkqubo ye-IIAL engadlulanga u-2018. Ngenxa yezithintelo zebhajethi zangoku, iSebe iWCED lisakhangelela iindlela ezintsha zokunika inkxaso ukuqaliswa kwe-IIAL nokuhlangabezana neenjongo zokuphunyezwa kwayo.
6. Esi saziyo ke ngoko senzwelele ukucela zonke izikolo ezingasifundisiyo isiXhosa uLwimi lwesiBini oloNgezelelweyo (*isiXhosa SAL*) kwiSigaba seSiseko (FP) nezo zikolo zisifundisayo ngoku njengesifundo esenziwa emva kokufundisa (*extramural subject*), zisiqalise isiXhosa uLwimi lwesiBini oloNgezelelweyo (*isiXhosa SAL*) zisebenzisa ootitshala bazo abakhoyo besiNgesi okanye besi-Afrikansi.
7. Izikolo ezivolontiyela ukuqalisa le nkqubo ye-IIAL kuya kufuneka ukuba:
  - zikwazi ukufikelela kubuxhaka-xhaka bezonxibelelwano (*digital hardware*) (bekhompuyutha nedathaprojektha)
  - zandise ithayimtheyibhile yeBakala 1 ngemizuzu eyi-30 ngosuku; yaye
  - ziqhubeke ngokufundisa isiXhosa uLwimi lwesiBini oloNgezelelweyo (*isiXhosa SAL*) kwiBakala 2 emva ko-2019 yaye ziqalise ngezigaba esi sifundo ngonyaka ngamnye ukunyukela kwibakala elilandelayo.
8. ISebe iWCED liya kunika izikolo oku kulandelayo:
  - izixhobo zokuncedisa ukufunda nokufundisa;
  - uqeqesho lootitshala nokucwangcisa kwikota yokuqala ka-2018; kunye
  - nenkxaso yaqho emva koko.
9. Kucelwa uqaphele ukuba ayikho enye inkxaso-mali eya kunikwa ootitshala liSebe iWCED.
10. Ziyacelwa izikolo ezivolontiyayo ukuba zizalise yaye zibuyisele le fom iqhotyoshelweyo apha [nontsikelelo.nyamza@westerncape.gov.za](mailto:nontsikelelo.nyamza@westerncape.gov.za) ungadlulanga owe-25 Agasti 2017. Imbalelwano engaphezulu emalunga nomkhombandlela iya kuthunyelwa kwezi zikolo phambi kokuphela kwikota yesithathu.
11. Kucelwa ubhekise yonke imibuzo kuNks Nyamza kule nombolo yefoni 021 467 9268 okanye kule dilesi ye-imeyili [nontsikelelo.nyamza@westerncape.gov.za](mailto:nontsikelelo.nyamza@westerncape.gov.za).

12. Kucelwa iinqununu zixoxe ngokubhalwe kule ngcaciso imfutshane nabasebenzi abachaphazelekayo namalungu ebhunga lolawulo ukuze bakuthathele ingqalelo.
13. Ithakazelelwa kakhulu inkxaso yenu yale nkqubo izisa iinguqu ibaluleke kangaka.

**ISAYINWE:** NGU- PAD BEETS

**USEKELA MLAWULI-JIKELELE WOLAWULO LWEKHARITYHULAM NOVAVANYO**

**UMHLA:** 2017-07-10